

dominus petrus de nes. Insuper peto sigilla venerabilis patris domini Johannis dei gracia electi vpsalensis & capituli ibidem, ac fratrum predicatorum sictunie presentibus apponi. Datum rwetum anno domini M^oCC^o Nonagesimo primo Decimo septimo kal. Junij.

Sigillen: N:o 1 Andeligt; 2, 3 bortfallne; remsoarna kvar.

1049.

1291. d. 19 Maj.

Sigtuna,

MAGNUS JOHANS SONS testamente af fastighet till Skokloster för upprättande af en vicaria derstädes.

A. 3. b. 1.

Omnibus presentes litteras inspecturis. MAGNUS JOANSSUN, salutem in domino. Cum inter ea que animabus defunctorum subueniunt, potissimum sit immolacio hostie solutaris corporis & sanguinis domini nostri ihesu christi. Idcirco, saluti anime mee, ac meorum, prouidere desiderans, in monasterio sanctimonialium in scho, in quo corporis mei sepulturam eligo, vicariam perpetuam constituo, de Curiis meis, frøsaker & fullabro cum molendino ibidem, & insula Lisø, necnon predio meo in faldanes, sicut ipsa possideo, volens, vt prouisio dictorum honorum apud predictum monasterium sanctimonialium permaneat, & racione fructuum prouenientium de dictis bonis monasterium, ipsum vicarium in predictam vicariam per dominum vpsalensem institutum teneatur pascere decenter sicut et alios presbiteros monasterio seruientes, & pro uestitu amministrare eidem pecuniam annis singulis secundum taxationem & mandatum eiusdem Domini vpsalensis. Ceterum, ipsum vicarium ad dicendum quatuor missas, primam videlicet de beata virgine, secundam pro defunctis, terciam & Quartam prout eum sua deuotio direxerit, vigilias nouem leccionem semel, bis, septem psalmos cum letania septimanis singulis obligo, nolens eum per ipsum monasterium ad aliquid amplius astringi, nisi hoc facere uoluerit de sue beneplacito voluntatis. Si autem contigerit monasterium ipsum, ordinationes circa vicarium & vicariam factas, nolle seruare, & monitum legitime per Dominum vpsalensem, ea postposuerit emendare, ne mea per hoc frustrari possit intencio, volo ex hac presenti mea ordinatione, vt prouisio dictorum honorum, extunc ad Dominum vpsalensem absque cuiuslibet contradictione pertineat, & tunc ipse de predictis bonis in ecclesia vpsalensi perpetuum vicarium instituat, qui pro me & meis ad supra posita suffragia teneatur. volo eciam vt tempore defunctionis mee, bona in predictis Curiis conscribantur & sigilletur scriptum sigillis Domini vpsalensis & conuentus de scho, ut de predictis bonis certa semper in posterum noticia habeatur.

JN cuius rei testimonium, vna cum sigillis, venerabilis Patris Domini Johannis dei gracia electi vpsalensis, & Domini Nicholai decani eiusdem ecclesie & Conuentus sanctimonialium in sco, & fratris Jsraelis siktunensis lectoris, sigillum meum presentibus est appensum. Datum Siktunie, Anno Domini Millesimo Ducentesimo Nonagesimo Primo JN Crastino Beati Eriici Regis Et Martýris.

Sigillen N:o 1, 2, 3 skadade; N:o 4 nästan bortfallet.

1050.

1291. d. 12 Juni.

Linköping.

Dom-Capitlets i Linköping skrifvelse till Dom-Capitlet i Upsala rörande förrättadt Biskopsval.

A. 3. o. 1. 20.

Reuerendis dominis & honestis preposito & capitulo ecclesie vpsalensis. Capitulum lincopense debita honoris reuerencia cum salute. Sacris canonibus nouimus esse cautum, vt ultra tres menses pontifice proprio non vacet ecclesia cathedralis ne pro defectu pastoris dominicum gregem lusus rapax invadat aut viduata ecclesia in suis facultatibus graue dispendium paciatur. Ea propter bone memorie benedicto episcopo nostro lincopensi anno domini. M°.CC°.XC. primo octauo kalendas iunii sicut deo placuit viam vniuerse carnis ingresso corporeque presens prout moris est ecclesiastice reuerenter tradito sepulture. Nos prepositus & canonici lincopenses conuenientes in vnum ad tractandum de die electionis futuri pontificis faciente terminum vigiliam pentecostes duximus statuendum. Citatis igitur interim & tunc presentibus omnibus qui electioni celebrande debuerint voluerint & potuerunt commode interesse diem electionis celebrande terciam feriam pentecostes prefiximus qua quidem die in capitulo nostro nos recepimus de electione futuri pontificis sicut duximus tractaturi. Sane post diuersos tractatus inter nos habitos & nominaciones diuersarum personarum simplices ac discussiones & inquisitiones multiplices tandem placuit nobis Vniuersis & singulis per viam compromissi nostre viduate ecclesie prouidere, considerantes difficulter multitudinem in vnum conuenire & sepe in paucos potius spiritum consilii sanioris venire dedimusque plenam & liberam vnanimiter potestatem dominis birgero iohanni & haquino viris fidedignis concanonice nostris vt quemque hii tres simul uel duo ipsorum de se uel aliis de gremio tamen ipsius ecclesie nobis & dicte ecclesie nostre eligerent sine contradictione qualibet in prelatum haberemus & pastorem Qui secedentes in partem & spiritum sanctum invocantes deuote prout nobis postmodum retulerunt deliberacione ac examinacione inter se habita diligenti tandem in dominum laurencium eiusdem ecclesie prepositum concorditer